

Joase-Ann van der Biest di BAZ-RRR

Artistanan local como tambe actividad cultural a haya un cas nobo na Playa



ORANJESTAD (AAN): Awe Diaranzon 31 di Juli, lo cuminsa tuma lugar riba tur Diaranzon, e asina yama Break Out Sessions di Sustainable Development Goals (SDG) na Aruba. Y esaki lo ta na BAZ-RRR Galleria & Brasserie na Playa.

Durante un conferencia di prensa convoca na BAZ-RRR, gerente Joase-Ann van der Biest a splica cu e Galeria & Brasserie aki ta un 'negoshi cu proposito', unda e proyectonan cu nan tin planea, nan ta sostene y ta completamente inspira pa e 17 metanan di Nacionnan Uni pa desaroyo sostenible, y pa nan ta importante pa carga e tres 'R' nan, esta e BAZ-RRR movement, cu ta "reduce, reuse, recycle". Aki no ta papia djis di reduci sushedad pa reusa y recicla, pero den tur contexto posible empuha comunidad pa aporta na esaki.

Tambe e negoshi aki cu ta situa den Emmastraat net pabao di ex-La Linda Children's Department, ta un galeria y brasserie. E galeria ta birando un espacio multifuncional, y ademas di ta duna espacio pa artistanan local exhibi, pero tambe crea economia pa e artistanan local. Tambe bao di e capa multifuncional, nan tin espacio habri pa discusionnan di e.o. global shapers, SDG's y tambe lo brinda diferente workshop cu hopi programa activo y interactivo.

Metanan di Desaroyo Sostenible:

Van der Biest a mostra

cu ya awe Diaranzon 31 di Juli pa 5:00 pm lo bay tin e Breakout Sessions di Sustainable Development Goals (SDG). E sesion aki lo ta tur fin di luna na BAZ-RRR y nan ta sostene y traha den colaboracion cu diferente profesional den tereno di SDG, unda lo presenta e 17 SDG den diferente sesion.

Diaranzon lo cuminsa cu dos SDG, esta #5 cu ta "Gender Equality" y esey ta empowerment di hende muher y mucha. Tambe riba SDG #11 cu ta importante na nivel nacional, pa loke ta "Sustainable Cities and Communities". Aki ta enfoca cu comunidad mester ta hopi involvi den desaroyo sostenible, envez di djis benta esaki riba sector priva. E sesionnan aki ta gratis.

Lanzamento di buki Charles Croes:

BAZ-RRR lo bay tin e prome presentacion di buki di e autor Charles Croes. Joase-Ann van der Biest a splica cu esaki ta hopi importante tambe pasobra hunto cu UNOCA a bin cu e idea pa promove lesamento di buki tangible, los di e elemento tecnologico, y cu por hinca mas atencion na autornan local.

Charles Croes ta lanzando su buki "Caribbean Crossroads". Por cumpra buki y lage firma tambe mesora. Entrada lo ta gratis.

Weirdos Workshop:

Segun van der Biest, den luna di Augustus nan lo tin tambe e asina yama "Weirdos Workshop". E ta ofreci

pa Luna & The Wolff, y aki ta bay educa e cursistanan con pa mezcla arte y moda, y asina nan por crea nan mesun diseño di paña, y tambe usa arte como herment. Esaki ta algo cu BAZ-RRR tambe ta sostene, pa haci arte y cultura bira central na Aruba.

Lo cobra un suma chikito pa inscribi, pasobra ta bay usa material di calidad pa e curso di cosemento aki.

Esaki ta djis comienzo di un serie di workshop cu lo bay tuma lugar. A ser splica na DIARIO cu pronto lo bay tin programanan di 'after-school' un biaha pa



siman, y tambe mas vakantie-camp. Joase-Ann van der Biest a revela tambe cu cuminzando 28 di Augustus pa 1 siman largo, nan lo ta e sede pa expo di Laureen Eman. Den pasado por corda e eventonan exitoso y sold-out di e artista aki riba e isla. Pues e biaha aki BAZ-RRR tambe ta bay tene un exposicion di mas di 70 pieza eyden. Entrada lo ta gratis, y tin chens di cumpra obranan di Laureen tambe.